

德風華雨

佛說大乘無量壽莊嚴清淨平等覺經

李印華◎著

德風華雨

佛說大乘無量壽莊嚴清淨平等覺經

李印華◎著

德風華雨第二十
其佛國土每於食時自然德風徐起吹諸羅網及眾寶樹出微妙音演說空無常無我諸法羅密流佈萬種溫雅德香其有聞者雖勞垢習自然不起風觸其身安和調適猶如比丘得滅盡定復吹七寶林樹飄華成聚種種色光遍滿佛土隨色次第而不雜亂柔軟光潔如兜羅綿足履其上沒深四指隨足舉已還復如初過食時後其華自沒大地清淨更雨新華隨其時節還復週遍與前無異如是六反

策 劃：高慶林

責任編輯：韓方敏

裝幀設計：靈動視覺/趙金東 李 濱 何 權

編 輯：張磊磊 李 真

图书在版编目(CIP)数据

德风华雨：佛说大乘无量寿庄严清净平等觉经/
李印华著. --石家庄：河北美术出版社，2013.8
ISBN 978-7-5310-5421-4

I. ①德… II. ①李… III. ①楷体-法书-作品集-
中国-现代 IV. ①J292.28

中国版本图书馆CIP数据核字(2013)第145487号

德风华雨 佛說大乘無量壽莊嚴清淨平等覺經

李印華 著

出版發行：河北美術出版社

地 址：石家莊市和平西路新文里8號

電 話：0311-85915035 85915045（傳真）

網 址：<http://www.hebms.com>

郵政編碼：050071

制版印刷：北京市朝陽燕華印刷廠

開 本：889毫米 x 1194毫米 1/16

印 張：6.5

印 數：1~3000

版 次：2013年8月第1版

印 次：2013年8月第1次印刷

定 價：96.00圓

佛說大乘無量壽莊嚴清淨平等觀經

菩薩戒弟子鄧城夏蓮居法名慈濟會集各譯章次敬分

法會聖衆第一

如是我聞。一時佛在王舍城耆闍崛山中。與大比丘衆萬二千人俱。一切大聖。神通已達。其名曰尊者憍陳如。尊者舍利弗。尊者大目犍連。尊者迦葉。尊者阿難等。而為上首。又有普賢菩薩。文殊師利菩薩。彌勒菩薩。及賢劫中一切菩薩。皆來集會。

德遵普賢第二

又賢護等十六正士。所謂善思惟菩薩。慧辯才菩薩。觀無住
 菩薩。神通華菩薩。光英菩薩。寶幢菩薩。智上菩薩。寂根
 菩薩。信慧菩薩。願慧菩薩。香象菩薩。寶英菩薩。中住菩
 薩。制行菩薩。解脫菩薩。而為上首。咸共遵脩普賢大士之德。具
 足無量行願。安住一切功德法中。遊步十方。行權方便。入佛法藏。
 究竟彼岸。願於無量世界。成等正覺。捨兜率。降王宮。棄位出家。
 苦行學道。作斯示現。順世間故。以定慧力。降伏魔怨。得微妙法。成最

正覺。天人歸仰。請轉法輪。常以法音。覺諸世間。破煩惱城。壞諸欲
壑。洗濯垢污。顯明清白。調衆生。宣妙理。貯功德。示福田。以諸法藥。
救療三苦。昇灌頂階。授菩提記。為教菩薩。作阿闍黎。常習相
應。無邊諸行。成熟菩薩。無邊善根。無量諸佛。咸共護念。諸佛
剎中。皆能示現。譬善幻師。現衆異相。於彼相中。實無可得。此諸
菩薩。亦復如是。通諸法性。達衆生相。供養諸佛。開導群生。化現
其身。猶如電光。裂魔見網。解諸纏縛。遠超聲聞。辟支佛地。入空
無相。無願法門。善立方便。顯示三乘。於此中下。而現滅度。得無生無

滅諸三摩地。及得一切陀羅尼門。隨時悟入華嚴三昧。具足總持百千三昧。住深禪定。悉睹無量諸佛。於一念頃。徧遊一切佛土。得佛辯才。住普賢行。善能分別衆生語言。開化顯示真實之際。超過世間諸所有法。心常諦住度世之道。於一切萬物。隨意自在。為諸庶類。作不請之友。受持如來甚深法藏。護佛種性。常使不絕。興大悲愍有情。演慈辯。授法眼。杜惡趣。開善門。於諸衆生。視若自己。拯濟負荷。皆度彼岸。悉獲諸佛無量功德。智慧聖明。不可思議。如是等諸大菩薩。無量無邊。一時

來集。又有比丘尼五百人。清信士七千人。清信女五百人。欲界天。色界天。諸天梵眾。悉共大會。

大教緣起第三

爾時世尊。威光赫奕。如融金聚。又如明鏡。影暢表裏。現大光明。數千百變。尊者阿難。即自思惟。今日世尊。色身諸根。悅豫清淨。光顏巍巍。寶剎莊嚴。從昔以來。所未曾見。喜得瞻仰。生希有心。即從座起。偏袒右肩。長跪合掌。而白佛言。世尊。今日大寂定。住奇特法。住諸佛所住導師之行。最勝之道。去來現在佛。

佛相念。為念過去未來諸佛。即為念現在他方諸佛。即何故威
神顯耀。光瑞殊妙。乃爾願為宣說。於是世尊告阿難言。善哉
善哉。汝為哀愍利樂諸衆生故。能問如是微妙之義。汝今斯問。
勝於供養一天下阿羅漢。辟支佛。布施累劫。諸天人民。蜎飛蠕動
之類。功德百千萬倍。何以故。當來諸天人民。一切含靈。皆因汝問而
得度脫故。阿難。如來以無盡大悲。矜哀三界。所以出興於世。光闡
道教。欲拯羣萌。惠以真實之利。難值難見。如優曇花。希有出
現。汝今所問。多所饒益。阿難當知。如來正覺。其智難量。無有障

礙能於念頃住無量億劫身及諸根無有增減所以者何如來定
慧究竟無極於一切法而得最勝自在故阿難諦聽善思念之
吾當為汝分別解說

法藏因地第四

佛告阿難過去無量不可思議無央數劫有佛出世名世間自在
王如來應供等正覺明行足善逝世間解無上士調御丈夫天人
師佛世尊在世教授四十二劫時為諸天及世人民說經講道有大
國主名世饒王聞佛說法歡喜開解尋發無上真正道意棄

國捐王。行作沙門。號曰法藏。修菩薩道。高才勇哲。與世超異。信解明記。悉皆第一。又有殊勝行願。及念慧力。增上其心。堅固不動。修行精進。無能踰者。往詣佛所。頂禮長跪。向佛合掌。即以伽他讚佛。發廣大願。頌曰。

如來微妙色端嚴

一切世間無有等

光明無量照十方

日月火珠皆匿曜

世尊能演一音聲

有情各各隨類解

又能現一妙色身

普使衆生隨類見

願我得佛清淨聲

法音普及無邊界

宣揚戒定精進門

通達甚深微妙法

智慧廣大深如海

內心清淨絕塵勞

超過無邊惡趣門

速到菩提究竟岸

無明貪瞋皆永無

惑盡過亡三昧力

亦如過去無量佛

為彼羣生大導師

能救一切諸世間

生老病死衆苦惱

常行布施及戒忍

精進定慧六波羅

未度有情令得度

已度之者使成佛

假令供養恒沙聖

不如堅勇求正覺

願當安住三摩地

恒放光明照一切

感得廣大清淨居

殊勝莊嚴無等倫

輪迴諸趣衆生類

速生我刹受安樂

常運慈心拔有情

度盡無邊苦衆生

我行決定堅固力

唯佛聖智能證知

縱使身止諸苦中

如是願心永不退

至心精進第五

法藏比丘說此偈已。而白佛言。我今為菩薩道。已發無上正覺之心。取願作佛。悉令如佛。願佛為我廣宣經法。我當奉持。如法修行。拔諸勤苦。生死根本。速成無上正等正覺。欲令我作佛時。智慧光明。所居國土。教授名字。皆聞十方。諸天人民。及蜎蠕類。來生我國。悉作菩薩。我立是願。都勝無數諸佛國者。寧可得否。世間自在王佛。即為法藏而說經言。譬如大海。入斗量。經歷劫數。尚可窮底。人有至心求道。精進不止。會當克果。何願不得。汝自思惟。脩何方便。而能成就佛刹莊嚴。如所脩行。汝自當知。清淨佛國。

汝應自攝。法藏白言。斯義宏深。非我境界。惟願如來。應正徧知。廣
 演諸佛無量妙刹。若我得聞。如是等法。思惟修習。誓滿所願。世
 間自在王佛。知其高明。志願深廣。即為宣說。百十億諸佛刹土功德
 嚴淨廣大圓滿之相。應其心願。悉現與之。說是法時。經十億歲。爾
 時法藏聞佛所說。皆悉覩見。起發無上殊勝之願。於彼天人善惡國
 土。麤妙思惟究竟。便一其心。選擇所欲。結得大願。精勤求索。恭慎保
 持。修習功德。滿足五劫。於彼二十俱胝佛土。功德莊嚴之事。明了通達。如
 一佛刹。所攝佛國。超過於彼。既攝受已。復詣世自在王如來所。稽首

禮足。遶佛三匝。合掌而住。白言。世尊。我已成就莊嚴佛土。清淨之行。佛言。善哉。今正是時。汝應具說。令衆歡喜。亦令大衆。聞是法已。得大善利。能於佛刹。修習攝受。滿足無量大願。

發大誓願第六

法藏白言。唯願世尊。大慈聽察。

我若證得無上菩提。成正覺已。所居佛刹。具足無量不可思議功德莊嚴。無有地獄。餓鬼。禽獸。蜎飛蠕動之類。所有一切衆生。以及焰摩羅界。三惡道中。來生我刹。受我法化。悉成阿耨

多羅三藐三菩提。不復更墮惡趣。得是願。乃作佛。不得是

願。不取無上正覺。

一國無惡道願。
二不墮惡趣願。

我作佛時。十方世界所有眾生。令生我刹。皆具紫磨真金

色身。三十二種大丈夫相。端正淨潔。悉同一類。若形貌差別有

好醜者。不取正覺。

三身悉金色願。
四三十二相願。
五身無差別願。

我作佛時。所有眾生。生我國者。自知無量劫時宿命。所作善惡。

皆能洞視。徹聽。知十方去來現在之事。不得是願。不取正覺。

六宿命通願。
七天眼通願。
八天耳通願。